



九天帝命中華  
黃帝為仙官  
軒轅先生某甲  
之身登壇受真  
記錄青宮符印  
格達黃帝仙官  
凡人給奉司迎  
加九天信

右黃書板上置中央以鎮中徽靈官侍給仙官九人

五符上皇玉帝制命告靈真符登玉清皇壇當依法書符安位師於中央命四極之盟

畢壇符五徽

度大盟授金龍玉魚玉札文曰

某年月朔某日子某徽先生某甲年如千歲

某月生命屬某斗某帝君謹於玄嶽高山之

巖告誓九天上受九十一卷經四極太真明

科九天譜明科之訣奉行道真乞注紫簡言

名青宮連盟負誓不敢希仙

右朱書玉札上長一尺二寸廣二寸四分讀

畢埋於絕巖之陰

洞真太上八素真經登壇符札妙訣

卷五

十三

洞真太上八素真經占候入定妙訣 通六

大帝告四極真人曰今有篤信至道修學不

懈皆是先身已經積善生諸天上天上著樂

無以進功年訖來生輪轉下世或發願啟告

求生世間救物立功勤習上道皆非凡人凡

人不覺伊亦不自知自知亦不說如此諸人

不免灾否或眷屬衰喪或身嬰疾病或公私

口舌或隱顯逢克惡人醜鬼毒獸鳥蟲金木

水火土草為妨良由功德未滿受法未備急

清齋黃躬謝過請福精存太上守一无忘施

行三五誦憶玄師玄師青童君總領一切經

書實文妙圖皆悉由之學士尋師未過求經

未得得或不足或不明明或不修行或不

久或多漏悞不能憶知或已憶知替已遺忘

邪精所干魔鬼所試急擇佳辰丁卯之日登

山入室清嚴燒香告太上誦存青童向東

住心想見方諸宮稽首禮拜面對金闕上相

嚴疾厄難常禮六拜拜畢叩頭密陳苦志或

公私否塞或心誠露忘隨願言之指彼即急

患不得多及緩事若緩急備言當書委曲拜

竟家讀取不聞竟即燒之後為亦爾氣力強

威可禮十二拜二十四拜三十六拜七十二

拜百二十拜二百四十拜三百六十拜七百

二十拜一千二百拜一時能竟注心益善復

不堪者寅時至丑十二時時百拜也有能二

時寅申子午適所堪耳常能行之六旬一百

不能移日他辰行也同志三五人不可多相

引喧鬧泄漏考不可解上學之士精加詳慎

修行此法然後為師傳經必得其人付授无

悔恨矣

凡師傳經不得其人或是其人傳不如法付

授之後一十二句眾突互湊急謝青童若有

福慶亦落荷恩也凡受道後如法修行九十

日无灾病此宿新有善合仙之人四九三百

六十日公私勝泰此前後積福合真之人三

周涉四年一千二百功德與隆顯敬伏此

上士至勤合神之人便傳授廣度賢明救凡

汝愛慈心立功博濟无私克登上聖神真仙

君帝王公卿之位矣

若受道之後百日之內有諸厄病皆宿新多

罪非合仙之人急應首謝普華心行改往修  
來憑請師友洗悔恨之情篤懃款之志敬信  
無疑必獲福利四九三周準擬此例建德立  
功免度危患戰兢兢兢恒懷慚懼愧有深罪  
漸无重功不可為師慎勿傳授德業漸升五  
八四十年乃擇人啟付耳有災強行叨遇為  
師彼此相誤皆是惡因緣也期篤之中不齊  
度者師友相結為之祈請首過乞恩至誠丹  
切不得虛飾又勿苟為心非口是又勿語人  
稱為功德唯精唯密彼此得福上學之士明  
共遵行凡生死未止皆由罪根未除出陰入  
陽動靜多過過積則死死苦可悲上士所畏  
勤學求生受經行戒方術攘災解罪延福以  
登神仙初習法者先首過請恩從无始中來  
億曾萬祖今身七世父母善惡相關七世有  
得道及賢明才智功德著於幽顯者餘慶所  
鍾諸罪易釋有頑密悖逆者眾殃難祛又已身  
无始中來至于七祖以來陰陽懲答或輕或  
重重則難遣輕則易除易除者齊戒立功少  
日便感難遣者精苦累歲尚不蒙應不蒙應

者好致辭退不悟先登源深更念神明无驗  
此增惡緣罪不在教若能彌勤誓死不忘必有  
良功轉禍為福其中先世先身多功德者今  
加修善招果自速不明了者乃謂其善未足  
可稱便云得道或云虛妄或云自然非學所  
得如此之流復不可教永失道緣方為魔羣  
生死不已深可痛悼智明洞達之人高才篤  
信之士无此諸疑勤行不息難易小復推移  
積久皆能得道得道長生要在行善行善止  
惡心堅意固持戒必令不圓三尊不違五德  
默識密行不忘言說善惡未必能行行善不  
必會眾聚精致請疑嫉生災是以上聖為善  
不代知善為善斯不善矣能知善不以矜誇  
不以自是不以規圖不以為善恬然若无乃  
得道耳非同志者不得妄說說化可化非人  
勿強易者四九三周難者二四四六極乎五  
八之年无不得道不得道者皆由受法不行  
行之不勤勤之不精其間作罪善惡雜糅功  
不贖過德不補愆死後得為善緣緣增於鬼  
得悟幽中立德亦作鬼官積功升仙或為靈

人或轉輪貴戚道德之家並不塵勞唯不能  
於即身得道耳若背叛誹毀初是未非死隨  
邪黨與善絕因因善不絕皆由信向信向雖  
不能至到但令不疑惑迷退則善緣日增增  
長不止必亦成真真人四百年四千年四萬  
年爰至萬劫傳什各有訣令初學之人以  
四九三周為限善惡依科慎勿妄犯凡學上  
道諦定身心身心不定學无所成成學入定  
守一為先微妙難習守之不能即堅難替他  
事守之不能入定當精占候省己及物已身  
異同物有變極覺之即改修術用方消而却  
之久无復異然後入定象真相勢矣一若眼  
中漠漠光明不恒所見非真彷彿不識當精  
嚴入室燒香存思兩目神道童精長三寸衣  
五色衣兩目各一人喜相向相就從東西遊  
行侍從有千乘萬騎良久諦思極則止又  
思日夜可十二時存之差乃己能六日不睡  
道童現形百二十日分明見萬里之外三百  
六十日逆知吉凶與神合德也罪由好看邪  
色不視正真改過精思即有驗也

二若耳中旬旬或至痛滿不聞遠聲聽語不別當精嚴入室燒香存思耳神道平精長八寸一分素衣從千乘萬騎還耳兩孔之中思極則止止又思差乃已如上法罪由好聽淫聲不察聖教改過精思乃有驗也

三若鼻中清汁或至塞痛所聞不香臭香不親當精嚴入室燒香存思鼻神道微精長二寸五分素衣從千乘萬騎還鼻兩孔之中思極則止止又思差乃已如上法罪由好嗜肥鮮不喜香馥改過精思即有驗也

四若口不知味或齒舌脣痛咽味不快飲食艱澁當精嚴入室燒香存思舌神道岐精長七寸朱衣從千乘萬騎還口中思極則止止又思差乃已如上法罪由好味惡言不素不實改過精思即有驗也

五若頭疔痛癢髮落不生當精嚴入室燒香存思腦神道都精長一寸一分青衣從千乘萬騎還頭中思極則止止又思差乃已如上法罪由輕佻犯上不禮謝三尊改過精思即有驗也

六若心腹中煩忿忿不樂絞痛堅脹飲食不消當精嚴入室燒香存思心神道明精長九寸絲衣從千乘萬騎還腹中思極則止止又思差乃已如上法罪由好動喜怒无常不念清靜不除嫉諍改過精思即有驗也

七若腰背解體酸腿脚足酸痛疼癢動轉艱難當精嚴入室燒香存思脇神道成雜絲斑衣從千乘萬騎還腰背解體酸腿脚足兩脇之中思極則止止又思差乃已如上法罪由強健勞擾不篤端嚴改過精思即有驗也

八若舉體合身內外疾惱不復自覺氣息短急當精嚴入室燒香存思皮膚神道連精長一寸五分丹素之衣從千乘萬騎還身中內外驅邪布正思極則止止又思差乃已如上法罪由殺盜姦醜不顧正真改過精思即有驗也

九若卒病頽臥或積疾困篤不能痊癒當令入靖燒香預首存思腎神道生左右二腎精長二寸三分從千乘萬騎還備體中思極則止止又思差乃已如上法罪由凶逆肆暴不止

念首悔改過精思即有驗也  
右九事之末必有候善能占之逆管防備自然消除永保貞吉

凡夢及出行見氛氣晦暝井濁无水汚池不淨糞血尸鬼人物交淫皆眼當有疾急存眼神按掌令熱以熨兩眼二七過止又以手指爪拾目眦有光明朗則吉青黑則凶又精存思摩髮首謝罪愆則无患矣

凡夢及出行聞不香之氣腥臊異常有物入鼻不測是何或塵或蟲或消或滅皆鼻當有疾急存鼻神交手捻鼻縮之歎之二七可止

勤守香火合和名香氣煙相續不捨時刻首謝罪愆則无患矣  
凡夢及出行見飲食朽敗惡人罵詈口動齒酸言語僻誤皆口當有疾急存口神反舌漱液滿口咽之二七可止習誦要戒密呪微吟

凡夢及出行見飲食朽敗惡人罵詈口動齒酸言語僻誤皆口當有疾急存口神反舌漱液滿口咽之二七可止習誦要戒密呪微吟

諮詢經典解滯釋疑首謝罪愆則无患矣

凡夢及出行見遊光炫煥雨雪紛披從高墮下器物翻覆皆頭當有疾急存腦神按手摩肩修歷額上明堂洞房丹田諸宮擇取東井之水香藥合和為湯沐拂傳香三過可止勤

心禮懺瞻仰三尊首謝罪愆則无患矣

凡夢及出行見水火散決羅網縱橫船車翻覆裸露驚奔皆心腹當有疾急思心神左手掩心右手掩臍臨目閉氣極則微吐之平又閉如此九可止精深沐浴謹事續明嚴除殺想動止向南候元氣所行見清真首謝罪愆則无患矣

愆則无患矣

凡夢及出行見聞戰打擊擔多負重倒踣折傷武操僵仆行杖動刑陰陽相侵皆腰背機關心有疾病急存腦神交手掩脇拾之二十

咽氣叩齒各二七可止思惟所行破戒違科即改革之宜有施恩便自營理諫諍止訟檢口抑身勿妄出入行坐卧起皆務防慎安徐顧望周正心身首謝罪愆則无患矣

凡夢及出行見人物相利食啖非常翻覆男

女倒亂陰陽皆使身當疾急存膚神兩手相摩獎將通體極而後已又為之三周可止誦習戒律精尋玄言除滯去感寡欲少私首謝罪愆則无患矣

凡夢及出行見人物驚奔大火火鳥獸紛

汨劫賊狂酒兵戈縱橫狗虎逐噬不識之人

妄云有舊皆身當卒病急存實神女子口訣青龍白虎更互摩握二七過止勤遵玄素元負黃書生人生子必依師言首謝罪愆則无患矣

凡九事之中萬億條緒端坐聞見與夢行同精按斯旨衆患自消无勞醫藥則不假祈請矣

凡除患清身知變華意意正身清然後入定入定道可成不定真弟降弗能降真豈能得道得道由降真降真由清正清正而不得道未之有也

未之有也

洞真太上八素真經占候入定妙訣

洞真上清龍飛九道尺素隱訣

白羽黑翻龍飛玉符

太上大道君以上皇元年二月一日甲子於無量天告盟傳北極真公時九天上帝高仙大聖並臨盟場五帝東帶萬靈侍軒日月吐

暉五宿列精七元開闢黃道不行天地停璣三界肅清絳霞隨陰紫雲四審時和日慶八景敷陳君裂帛華晨之下授訣口口之中發言九天遙唱命諱上帝稱欣天真稽首魔王束形保舉玄虛位登玉清命五老監試四司輔真左右侍仙命盟告靈依俯仰之格北向祝曰

祝曰

寒飛登場上命九靈運度推移日月不停是時吉晨赤心解形銜刀南宮喻丹寒庭金羊銀鴈禮獻上清裂素分天告盟于經請如四

極萬劫一傾有泄我言禍罰七玄有負我盟考滅爾形生死謝責長閉九冥畢於是裂素度經口授秘言天真下降五帝衛靈九宸給以金晨玉童九百人九皇給以玉華之女七百人五皇又給五帝玉女各五百人五老命